

## ÁKVÖRÐUN FRAMKVÆMDASTJÓRNARINNAR

2013/EES/16/29

frá 1. mars 2011

**um breytingu á ákvörðun 2007/76/EB um framkvæmd reglugerðar Evrópuþingsins og ráðsins (EB) nr. 2006/2004 um samvinnu milli innlendra yfirvalda sem bera ábyrgð á framkvæmd laga um neytendavernd að því er varðar gagnkvæma aðstoð (\*)**

(tilkynnt með númeri C(2011) 1165)

(2011/141/ESB)

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 2006/2004 frá 27. október 2004 um samvinnu milli innlendra yfirvalda sem bera ábyrgð á framkvæmd laga um neytendavernd (reglugerð um samvinnu um neytendavernd) <sup>(1)</sup>, einkum 6. gr. (4. mgr.), 7. gr. (3. mgr.), 8. gr. (7. mgr.), 9. gr. (4. mgr.), 10. gr. (3. mgr.), 12. gr. (6. mgr.), 13. gr. (5. mgr.) og 15. gr. (6. mgr.),

og að teknu tilliti til eftirfarandi:

- 1) Hinn 22. desember 2006 <sup>(2)</sup> samþykkti framkvæmdastjórnin ákvörðun 2007/76/EB um framkvæmd reglugerðar Evrópuþingsins og ráðsins (EB) nr. 2006/2004 um samvinnu milli innlendra yfirvalda sem bera ábyrgð á framkvæmd laga um neytendavernd að því er varðar gagnkvæma aðstoð.
- 2) Ákvörðun 2007/76/EB var breytt með ákvörðun framkvæmdastjórnarinnar 2008/282/EB <sup>(3)</sup> til að fastsetja meginreglur um tilkynningu um ráðstafanir til að framfylgja lögum, upplýsingar sem fram eiga að koma í tilkynningum í kjölfar tilkynningar um viðvörðun og um samræmingu starfs við markaðseftirlit og lagaframkvæmd.
- 3) Nauðsynlegt er, á grundvelli fenginnar reynslu af rekstri samstarfsneta í aðildarríkjunum til framkvæmdar lögum, að endurskoða kröfurnar sem mælt er fyrir um í ákvörðun 2007/76/EB að því er varðar eyðingu upplýsinga í gagnagrunninum sem kveðið er á um í 1. mgr. 10. gr. reglugerðar (EB) nr. 2006/2004 og varðandi reglubundnar tilkynningar.
- 4) Einnig þykir rétt að skýra reglur um skyldur hins lögbæra samræmingaryfirvalds, þátttöku í samræmdu starfi við

lagaframkvæmd og þær lágmarksupplýsingar sem láta skal í té innan ramma slíkra aðgerða.

- 5) Nauðsynlegt er að samræma ákvörðun 2007/76/EB álit 6/2007 frá starfshópi um vernd einstaklinga í tengslum við vinnslu persónuupplýsinga <sup>(4)</sup>, sem var komið var á fót með 29. gr. tilskipunar Evrópuþingsins og ráðsins 95/46/EB <sup>(5)</sup>, og álit Evrópsku persónuverndarstofnunarinnar <sup>(6)</sup>.
- 6) Því ber að breyta ákvörðun 2007/76/EB til samræmis við það.
- 7) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fót skv. 1. mgr. 19. gr. reglugerðar (EB) nr. 2006/2004.

## SAMÞYKKT ÁKVÖRÐUN ÞESSA:

1. gr.

Viðaukanum við ákvörðun 2007/76/EB er breytt til samræmis við viðaukann við þessa ákvörðun.

2. gr.

Ákvörðun þessari er beint til aðildarríkjanna.

Gjört í Brussel 1. mars 2011.

Fyrir hönd framkvæmdastjórnarinnar,

John DALLI

framkvæmdastjóri.

(\*) Þessi EB-gerð birtist í Stjtið. ESB L 59, 4.3.2011, bls. 63. Hennar var getið í ákvörðun sameiginlegu EES-nefndarinnar nr. 228/2012 frá 7. desember 2012 um breytingu á XIX. viðauka (Neytendavernd) við EES-samninginn, sjá EES-viðbætur við Stjórnartíðindi Evrópusambandsins, biður birtingar.

<sup>(1)</sup> Stjtið. ESB L 364, 9.12.2004, bls. 1.

<sup>(2)</sup> Stjtið. ESB L 32, 6.2.2007, bls. 192.

<sup>(3)</sup> Stjtið. ESB L 89, 1.4.2008, bls. 26.

<sup>(4)</sup> Álit 6/2007/EB um gagnaverndarmál í tengslum við kerfið fyrir samvinnu um neytendavernd (CPCS-kerfið) 01910/2007/EN, WP 139, samþykkt 21. september 2007.

<sup>(5)</sup> Stjtið. EB L 281, 23.11.1995, bls. 31.

<sup>(6)</sup> Álit Evrópsku persónuverndarstofnunarinnar, tilvísun 2010-0692.

## VIÐAUKI

Viðaukanum við ákvörðun 2007/76/EB er breytt sem hér segir:

## 1) Í stað liðar 2.1.3 komi eftirfarandi:

„2.1.3. Náist ekki samkomulag skal yfirvaldið, sem beiðni er beint til, gefa svar þar sem veittar eru allar viðeigandi upplýsingar sem það hefur yfir að ráða og tilgreina rannsóknar- og framkvæmdaraðgerðir, sem gripið hefur verið til eða eru áformaðar (þ.m.t. frestir), eigi síðar en 14 dögum frá þeim degi sem þau tóku við slíkri beiðni með milligöngu miðlægrar tengiskrifstofu. Yfirvaldið, sem beiðni er beint til, skal upplýsa yfirvaldið, sem leggur fram beiðni, um þessar aðgerðir reglubundið eins og við á, en a.m.k. á þriggja mánaða fresti, þar til:

- a) allar viðeigandi upplýsingar, sem þarf til að ákvarða hvort brot innan Bandalagsins hafi átt sér stað eða til að ákvarða hvort rökstuddur grunur leiki á um að slíkt brot geti átt sér stað, hafa verið sendar til yfirvaldsins, sem lagði fram beiðni, eða
- b) látið hefur verið af broti innan Bandalagsins eða sannað hefur verið að beiðnin var ekki á rökum reist.“

## 2) Í lið 2.1.5 bætast eftirfarandi málsgreinar við:

„Jafnskjótt og lögbært yfirvald uppgötvar að beiðni um gagnkvæma aðstoð skv. 6., 7. og 8. gr. reglugerðar (EB) nr. 2006/2004 inniheldur röng gögn, sem ekki er hægt að leiðrétta með öðrum leiðum, óska eftir að framkvæmdastjórnin fjarlægji upplýsingarnar úr gagnagrunninum eins fljótt og tæknilega er mögulegt og eigi síðar en sjö dögum eftir að hún hefur mótttekið ósk um að þeim verði eytt.

Allar aðrar upplýsingar í tengslum við beiðni um gagnkvæma aðstoð skv. 6. gr. reglugerðar (EB) nr. 2006/2004 skulu fjarlægðar úr gagnagrunninum fimm árum eftir að málinu er lokið.“

## 3) Í lið 2.2.2. bætist eftirfarandi málsgrein við:

„Rökstuddar viðvaranir skulu fjarlægðar úr gagnagrunninum fimm árum eftir að þær voru gefnar út.“

## 4) Í stað fyrirsagnar 4. kafla komi eftirfarandi:

„4. 4. KAFLI — AÐGANGUR AÐ UPPLÝSINGUM SEM SKIPST ER Á OG GAGNAVERND“.

## 5) Eftirfarandi liðir 4.3 og 4.4 bætist við:

„4.3. *Aðgangur framkvæmdastjórnarinnar að gögnum*

Aðgangur framkvæmdastjórnarinnar að gögnum skal takmarkast við það sem krafist er samkvæmt reglugerð (EB) nr. 2006/2004. Undir þetta fellur aðgangur að viðvörðunum skv. 1. mgr. 7. gr., að tilkynningum skv. 2. mgr. 7. gr. og að upplýsingum um samræmingu starfs við markaðseftirlit og lagaframkvæmd skv. 9. gr. og með skilyrðum skv. 5. mgr. 15. gr. reglugerðar (EB) nr. 2006/2004.

4.4. *Viðkvæmar upplýsingar*

Vinnsla lögbærra yfirvalda á persónuupplýsingum sem tengjast kynþætti, þjóðernislegum uppruna, stjórnmalaskoðunum, trú, stéttarfélagsaðild, heilbrigði eða kynlífi er bönnuð nema ógerlegt sé að uppfylla skuldbindingar samkvæmt reglugerð (EB) nr. 2006/2004 með öðru móti og vinnsla slíkra gagna sé heimil samkvæmt tilskipun 95/46/EB.

Notkun lögbærra yfirvalda á persónuupplýsingum sem tengjast afbrotum, grun um afbrot og öryggisráðstöfunum skal takmarkast við tiltekinn tilgang gagnkvæmrar aðstoðar eins og hann er skilgreindur í reglugerð (EB) nr. 2006/2004.“

## 6) Í stað 6. kafla komi eftirfarandi:

„6. 6. KAFLI — SAMRÆMING STARFS VIÐ MARKAÐSEFTIRLIT OG LAGAFRAMKVÆMD

6.1. Við beitingu á 2. mgr. 9. gr. reglugerðar (EB) nr. 2006/2004 geta yfirvöld, sem hafa samþykkt að samræma starf sitt við lagaframkvæmd, ákveðið að gera nauðsynlegar ráðstafanir til að tryggja fullnægjandi samræmingu og skulu framkvæma þær eftir bestu getu.

6.2. Lögbært yfirvald getur neitað að verða við beiðni um þátttöku þess í samræmdu starfi við lagaframkvæmd að höfðu samráði við yfirvaldið sem leggur fram beiðni ef:

- a) dómsmeðferð hefur þegar farið fram eða dómsyfirvöld í aðildarríki yfirvaldsins, sem beiðni er beint til, eða yfirvaldsins, sem leggur fram beiðni, hafa þegar fellt endanlegan dóm varðandi sama brot innan Bandalagsins og gegn sömu seljendum eða birgjum,
- b) ef það telur, að lokinni viðeigandi rannsókn, að brotið sem framið var innan Bandalagsins snerti það ekki.

Ef lögbært yfirvald ákveður að hafna beiðni um þátttöku í samræmdu starfi við lagaframkvæmd skal það tilgreina ástæður fyrir ákvörðun sinni.

Þessi grein skal ekki hafa áhrif á beitingu 6. og 8. gr. reglugerðar (EB) nr. 2006/2004.

6.3. Til að uppfylla skuldbindingar skv. 2. mgr. 9. gr. reglugerðar (EB) nr. 2006/2004 geta viðeigandi lögbær yfirvöld ákveðið að eitt þeirra skuli samræma aðgerðir til framfylgdar lögum. Lögbæru yfirvöldin skulu taka tillit til sérstakra kringumstæðna í hverju tilviki fyrir sig en alla jafna tilnefna sem samræmingaryfirvald yfirvaldið þar sem söluaðili hefur aðalstöðvar sínar eða þar sem starfsemi hans fer aðallega fram eða þar sem meirihluti neytenda sem skaðast er staðsettur.

6.4. Framkvæmdastjórnin skal, komi fram beiðni um það, auðvelda samræmingu starfs skv. 1. og 2. mgr. 9. gr. reglugerðar (EB) nr. 2006/2004.

6.5. Lögbæra yfirvaldið, sem er tilnefnt sem samræmingaryfirvald samkvæmt lið 6.3., skal a.m.k. bera ábyrgð á eftirfarandi:

- a) að stjórna samskiptum milli yfirvaldanna sem taka þátt í samræmdu starfi með viðeigandi aðferðum,
- b) að semja drög að yfirlitsskýrslu við lok samræmds verkefnis þegar við á,
- c) að ljúka samræmda verkefninu í gagnagrunninum eins fljótt og tæknilega er mögulegt og alla jafna innan sjö daga frá því að síðustu beiðni um gagnkvæma aðstoð milli tveggja lögbærra yfirvalda, sem taka þátt í samræmdu starfi við lagaframkvæmd, er lokið af hálfu hlutaðeigandi yfirvald sem lagði fram beiðni.

Skyldur samræmingaryfirvaldsins skulu ekki hafa áhrif á upplýsingaskyldur sem eru lagðar á herðar öðrum lögbærum yfirvöldum sem taka þátt í samræmi við reglugerð (EB) nr. 2006/2004 og reglur um framkvæmd hennar.

6.6. Þegar lögbært yfirvald ákveður að óska eftir að önnur yfirvöld samræmi starf við lagaframkvæmd skal það, til viðbótar við kröfur um upplýsingar, sem nauðsynlegar eru fyrir gagnkvæma aðstoð skv. 6., 7. og 8. gr. reglugerðar (EB) nr. 2006/2004, láta í té a.m.k. eftirfarandi upplýsingar:

- a) upplýsingar um lögbæra yfirvaldið sem leggur fram beiðni um samræmingu starfs við lagaframkvæmd,
- b) nafn seljanda eða birgis,
- c) heiti afurðar eða þjónustu,
- d) flokkunarkóða,
- e) auglýsingar eða sölumiðla sem eru notaðir,
- f) lagagrundvöll,
- g) stutt samantekt um brotið,
- h) samantekt á markmiði samræmdra aðgerða.“